



42232

Handwritten green text: *Handwritten*


I

Mag. St. Dr.

P

Handwritten in brown ink: *70.c*

Handwritten in red ink: *Curia*



42232

I

Teol. prot. 3042.

15
[Faint, illegible text at the top of the page, possibly a title or header.]

[Faint, illegible text in the middle section of the page.]

[Faint, illegible text in the lower middle section of the page.]

[Faint, illegible text in the lower section of the page.]

[Faint, illegible text at the bottom of the page, possibly a signature or date.]

1842. I. 77.

Caoninus a J. Josepho
~~Krywancki~~ Schol.
Liar.

Caoninus a J. Josepho (~~Krywancki~~)
nieruchnie w Ławie Piardu, a r. 1733
Maryanów.

(rzadkie i nieznanie dziełko)

VESTIGIA

Æternæ Fælicitatis, ad Terminum

SACRIS PROGRESSIBUS

SS.^{MI} IGNATIJ
EPISCOPI, ET MART.

T R I T A,

Avitæ SOLEÆ Ill^{mi}, ac R^{mi} DOMINI

IGNATIJ LASOCKI

Archidiaconi Cujaviensis, Canonici Cul-
menfis, & Varfaviensis J. U. D. &c.

P R O P O S I T A

In Recognitionem Obsequii sui,

A' PATRE FR. CASIMIRO
A SANCTO JOSEPHO

Ordinis Immaculatæ Conceptionis Beatif-
simæ Virginis Mariæ Con-
gregationis Polonæ.

D E D I C A T A .

ROMÆ, 1733. Typis Joannis Zempel.
SUPERIORUM PERMISSU.



42232

7





I

AL

tu

SA

xa

tr

T

C

tu

SA

xa

tr

Illme, ac Rme

DOMINE.



Acrae vestigia vitae Tutelariss
Sanctissimi, quae praesens Alma
in Urbe sequeris, Avitae
Grandaei Nominis Tui pro-
pono **SOLEAE. ILLUS-**
TRISS. AC REVERENDISS. DOMINE.
CRUCEM haec adstipulavit sibi, quae tan-
tum benedicat iter, celeremque admovit
SAGITTAM, ut cursu irretardabili praefi-
xam attingas metam, arduis quidem nimis
tramites isti (jam fateor) proficiunt anfra-

4
tibus, utpote in altissimum perfectionis
consumatæ directi culmen, adeò ut impos-
sibile judicarem aliquo vias difficiles hujus-
modi expediri methodo, nisi aliundè natam
ad excelsa etiam per tela, per ignes LA-
SOCCIANAM mihi constaret SOLEAM.
Nemo non videt per tot deciesfrata sæcula
elevatam præcunctis in TE Antenatorum
Tuorum dexteritatem, quæ hinc per sancta
probitatis exempla, fervidissimum pro Reli-
gione, & Ecclesia zelum, indè per saluber-
rima consilia, per arma & victorias ad ipsa
penè extollitur Sydera? (a) Eminent illustre
in luce Sapientiæ, clarum, in luce ferri Insi-
gne Tuum, in Nomine EMINENTISSIMI
S. R. E. CARDINALIS NICOLAI LASO-
CKI, pro priori EPISCOPI Posnaniensis,
tandem Uladislaviensis, Regnique Poloniae
SENATORIS Antenati Tui, qui innumeris
cumulatus Meritis, & Virtutibus, præter
honoris muricem, de quo in Orbe erubescer-
et; non habuit, NICOLAUM verè cum
auro virtutum depingunt Annales, ita,
ut quæcumque gesserit ad coelestem cense-
ren-

(a) Bonifacius Rerum Hungaricarum lib. 6. An. 1441.

rentur elevanda stateram, quæcunque dixerit, vel Solari radiô, vel Seraphinorum pennâ notatu digna, viderentur.

Discit Orbis ex claro, & famosissimo Tuæ Consanguinitatis Schemate, LASOCIORUM SOLEÆ Excellentiam, [a] in quo legit nullam fermè fuisse Catedram in Polonia, quam non Tui Nominis Prælati, veluti viridarium Lilia, coronam gemmæ, Coelos Sydera ornarent, & illustrarent. Elevatos scandit per gradus modernis etiam temporibus Insigne Tuum in Almo Benedictinorum Ordine, ubi Illustrissimas, & Reverendissimas THERESSIAM LASOCKA Thorumnensem, & MARIANNAM LASOCKA Seprcensem, Abbatissas, Amittas Tuas, quas meritis, exemplis, vitæque Sanctimonia præesse unicuique constat. Erudit, ita una ac altera virtutum normâ, ceteras sui Cohortes Collegii, quomodo nam gratia in odorem suavitatis supremo Numini Virginalis Candoris explicare lilia, Avitaque SOLEA vestigiis docet impressis Cælestem sequi agnum, quo-

Am 32 mibit cum

(a) Schem. Conf. in Eccl. Broch.

cumque jerit. Verum qui Coelum manu com-
 primet, aut solem qui unô arctabit climate ?
 quæ penna laudem evolabit in illam, in quam
 cum colligato Sanguine BILINSIORUM,
 KRAJEVVSCIORUM, LACZENSCIO-
 RUM, STRZALKOVVSCIORUM, SIE-
 MIANOVVSCIORUM, DABSCIORVM,
 ZALVSCIORUM, BAGNIEVVSCIO-
 RUM, FREDRONUM, ZURAVVSCIO-
 RUM, &c. Tua ascendit SOLEA, lo-
 quantur merita Patrum in Terris Zacrocim-
 ensi, & VVyfogrodiensi, propter, quæ
 non dubitarat Nobilitas, Terras ejusmo-
 di, LASOCCIORUM nominare Terras.
 Fatetur tui nominis sublimatum decus,
 quamquam post fata respirans in cordibus
 omnium Illustrissimus ULADISLAUS
 LASOCKI Succamerarius Zacrocimen-
 sis, Avus Tuus, quo tacente elinguis Comi-
 tiorum facies, quo non præliante terra in
 bellis extiterat. Alterum Atlantem Polonus
 venerabatur Orbis, cujus aureum libertatis
 vellus in manu sui portabat Consilii. Non
 audeo de suavi Æternitatis excitare somno
 nostri delictum Sæculi, Illūnum LUDOVI-
 CUM

CUM LASOCKI Capitaneum Zacrocimen-
 sem Magistrum Equitum S. R. M. Patrem
 Tuum, qui adhuc recenti in memoria omnium
 Avito SOLEATUR decore, hostium Patriæ
 sub pede colla tenet, nempe cujus unica re-
 creatio fuerat conterere vibratos in Caput
 libertatis inimicorum cuneos, Documenta
 vel inde posteritati exhibuit de sui excellen-
 tia Nominis, quod post experimento multi-
 plici partam victoriis gloriam de ipso tempo-
 re Regnantis AUGUSTI Regis Poloniæ au-
 deret triumphare pectore alter Sarmatici
 Alexandri Ephestion. Taceo, quia vivo quo-
 dammodò spirant anhelitu monumenta ipsa
 innatam dexteritatem Illi ADRIANI
 LASOCKI Capitanei Vvysogrodiensis Pa-
 trui Tui, ex cujus generositatem animi am-
 biente fronte martem strenuè peregeret
 Apelles. Quantus vir ille in vita fuerat,
 umbra post fata testis, quam apprehendunt
 singuli. Non memoro utpotè Tuo præstan-
 tem cordi cum quo animam spiratis in unam
 per Nobile Fratrum Illustrissimum DEME-
 TRIVM LASOCKI Ensisferum Terræ Za-
 crocimensis Fratrem tuum, qui per Heroi-

corum actuum experimenta , ita excelsos in
Honores dirigit gressum , ut non Antecesso-
rum aberret semitis , ex illius nempe recti-
tudine clarè unusquisque intueri potest, quæ
sit genuina Domus excelsæ gloria . Taceo
non dissimili functum generositatis acie Illu-
strissimum PAVLVM, ET JOSEPHVM LA-
SOCKI Capitane: VVyfogrodien: Patruel-
lem tuum, cujus elevatum ad magnanima-
animum, præter tacita probitatis, præconia,
ipsa etiam classico vocali AVGVSTI Regis
Poloniæ deprædicat Aula, ornabat hanc sic
strenuè, ut dum sui præsentiam haberet, satis
arbitraretur orbis, fuisse ad decorem Prin-
cipis. Insigne tenet argumentum Sarmati-
cus Orbis, & euecti in altum Tui Nominis
in Illmo MARTINO LASOCKI Pincerna
Lucoviensi, qui lauro, & auro notandis suis
gressibus tanto in sublime apparatu eva-
sit, ut laudes Procerum sese minimè existi-
ment idoneas illius attingere famam, Pane-
gyrim hujus clamant ipsi lapides de parieti-
bus Conventus nostri Goslinensis, quem
Fundator Amplissimus Congregationi nostræ
erexit, nedumque Nomine, verùm re ipsa
MAR-

MARTINVS liberalissimè dotavit. Verum
 haud pro viribus arbitra innumeros ad com-
 putum revocare Viros, quorum delineationi
 Orbis extensus in paginam vix sufficeret,
 æternitatis negotium posteritati relinquo.
 Satis mihi interim in documentum celsitudi-
 nis LASOCCIORVM SOLEÆ Tuas inve-
 stigare semitas, ILLVSTRISS., AC RE-
 VERENDISS. DOMINE, quibus veluti
 Olympum in atomum, in stillam Oceanum,
 in punctum Orbem Univerrsum Domus Tuæ
 Magnitudinem in Tuam coacervasti Perso-
 nam. Clausisti Illiadem in nucleo, dum
 omnium talenta in Te non secùs, ac in spe-
 culo vitæ excelsæ concentratâ representas.
 Ab annis minorensibus abunda jam cunctis
 indicia, quem gradum honoris ascendere
 Gentilitia Tua in posterum mereretur SO-
 LEA, dum in scientiis tantum profecisti,
 quantum nedum adquare, sed superare
 singulos oportuit. Ipsa si valeret Cracovien-
 sis exedra Ingenii Tui ageret Oratorem, ex
 qua magnus Philosophiæ Professor, quidquid
 asseruisti irretractabile, quidquid docuisti
 irrefragabile, audientes stupebant Doctissi-

mi, num Tu ex Aristotele laudem, num ille gloriam ex Te capesceret nemo solvit. Quocirca ad altiores Avita Tua SOLEA fecit iter ascensus, dum Accademia Culmenſis Te ſuum Theologiæ venerata Doctorem, ubi abſcondita a Sæculis Divinitatis Arcana, manifeſtis adeò revelaviſti theorematibus, ut unusquiſque num illa non videris, dubitaret. Nec in hujusmodi Theatro gloriæ terminum Avitæ fixiſti SOLEÆ. Inclina vit ſuam Stemmati Tuo Maieſtatem Culmenſis exedra, uti Doctōis gentium, quaſi Spiritu veritatem Evangelii prædi caſti Populo, non minus exemplis, ac verbis iter monſtrando ad Cœleſtem Patriam, trahebas corda ad ſuum Auſtorem, ignita eloquiorum catena, alter Chryſoſtomus, etiam cum argueres, ſuavis. Quoniam verò Viris Inſignibus unus non ſufficit Orbis, documentum Tuæ dexterritatis palàm dedit Gentibus CLEMENS XII. Pontifex Maximus hodie ſalaciter Regnans, dum Te Doctorem Juris utriuſque ſua inſignivit Authoritate. Decuit nempe talem exponenda vocari ad jura, qui ſua Regula morum Leges condere exhibetur. Cum igitur

tur
 Sur
 SO
 bat
 TI
 pon
 na
 Co
 qui
 po
 Av
 pu

tur procul dubio mihi constiterit erectam ad
 Sublimia ILLUSTRISSIMI Tui Nominis
 SOLEAM, quod vivis argumentis in Te pro-
 batum video, illud Tibi SANCTISS.IGNA-
 TIJ Episcopi, & Martyris Tutelaris Tui pro-
 pono iter, quô ad terminum felicitatis æter-
 næ virtuosus collimans aspiras progressibus.
 Congregatio Mariana in hoc tramite prose-
 quitur votis, ut post sera vitæ fortunatæ tem-
 pora, illum comprehendas Terminum, quem
 Avita Tua currens per virtutum Stadia arri-
 puit SOLEA.

ITA VOVET

*In recognitionem infiniti obsequij,
 Tui Nominis, & Honoris æstimator perpe-
 tuus, & Servus.*

Humillimus,

Fr. Casimirus a S. Jos- pho Ord.
 Immaculatæ Conceptionis
 B. V. MARIÆ.

IM-

IMPRIMATUR.

Si videbitur Reverendissimo Patri
Magistro Sac. Pal. Apost.

N. Episc. Bojan. Vicesg.



IMPRIMATUR.

Fr. Jo: Benedictus Zuanelli Sacri
Palat. Apost. Magist. Ord. Præd.

V I T A ,
ET MARTYRIUM
SS.^{MI} IGNATIJ
EPISCOPI ANTIOCHENSIS

Ex Simone Metaphraste .



UM Trajanus sumpſisset ſceptra Romanorum Imperii , erat Antiochenæ Eccleſiæ Episcopus , & nomine & re Sanctus Ignatius . Nam magno quidem Petro ſuccedit Evodius : Evodio autem Iguatius , fuitque & morum ejus & virtutis æmulatur . Huic Divino Ignatio , cum eſſet adhuc planè puer ajunt Chriſtum adhuc verſantem in mundo , ei intemeratas manus impoſuiſſe , & ad populum intnentem dixiſſe : (a) *Niſi quis ſeiſpſum humiliaverit ut hic puellus , non intrabit in Regnum Calorum :* & qui unum ex talibus pueris ſuſceperit in nomine meo me ſuſcipit : qualis nam futurus eſſet ætate proficiens Ignatius , hinc oſtendens , & Apoſtolicam illius doctrinam apertè indicans . (b)

Hic ergo Divinus Ignatius , ſimul cum Polycarpo , qui Smyrnenſi præerat Eccleſiæ , fuit Discipulus

(a) Math. 18. (b) Ignatius Discipulus Joannis Evangelistæ .

pulus Joannis Evangelistæ: & cum ad eum solum ventitasset, & omnem virtutis speciem, & eam maxime, quæ decet Sacerdotem, diligenter exercuisset, Sacerdos deinde eligitur communi sententia omnium simul Apostolorum, & Antiochenus creatus Episcopus. (a) Cum autem assumpsisset Ecclesiam, & multò sudore, & labore in ea seminasset præconium pietatis, & zelum per omnia Apostolicum, & doctrinam ostendisset, & extitisset perfectus Minister Christi mysteriorum, fit quoque postea Martyr, bestiis propter illum traditus, ut paulò altius repetens declarabit oratio.

Trajano enim Romanorum Imperatori, quam de Scythiis habuerat, elato victoriâ, & non sustinenti suam hucusque sistere felicitatem, sed volenti eam ulterius producere, & Romanorum Imperio multos alios subungere, adversus Christianos, seu adversus pietatem bellum ei visum est optimum esse, & expedire. (b) Nam illo quidem modo putabat se soli prodesse Reipublicæ sic autem etiam Deos suos colere, & eos inducere, ut opem ferant adversus hostes. Gravem itaque ac difficilem persecutionem infert adversus piam fidem, & proponit edicta per universam terram, quæ ejus parebat Imperio, ut vel essent cum eo omnes impietatis participes, vel adhuc manentes Christiani, afficerentur variis suppliciis, & acerbis mortibus. Contigerat ut tunc Trajanus versaretur Antiochiæ, ut qui esset expeditionem suscepturus contra Persas, bel-

(a) Fit Episc. Antiochiæ. (b) Trajanus persequitur Christianos.

bellum ibi pararet . Hic ergo ei de Divino Ignatio significatur, quod Religionem teneret Christianam, & hominibus persuaderet, ut Christum tanquam Deum honorarent: idque cum fuisset à Pilato Cruce condemnatus, & morte ut dicent ejus acta (a) fert legem de servanda Virginitate, & de contemnendis divitiis, & deliciis, & aliis, quæ sunt in vita jucunda : & quod est omnium gravissimum, quod non oporteat putare esse Deos, & nullam Imperatorum ducere rationem . (b)

Hæc postquam audivit Trajanus, Sancto statim accersito, cum una etiam adesset Senatus : tu ne es, inquit, qui diceris Deifer, qui nostra jussa ludificaris, & omnem evertis Antiochiam, & omnes ducis post Christum, qui à te prædicatur, & nec solo quidem Deos dignaris nomine ? Divinus autem Ignatius, ego sum, inquit . Ille verò, & quid sibi vult, inquit, illud Deifer ? cui Martyr : qui Christum, inquit, circumfert in anima . Imperator autem, tu ergo, inquit, Christum in te ipso circumfers ? Certè, inquit . Scriptum est enim : (c) *Habitabo in eis, & inambulabo* . Quid ergo nos non videmur tibi Deorum assidue meminisse, & eos semper in anima circumferre, eosque inducere ad opem ferendam contra hostes, & per eos omnia facere, quæ sunt ex animi sententia ? respondens autem Divinus Ignatius : Hei mihi, inquit, simulacra gentium Deos nominas . Unus enim Deus, inquit, verus, qui cæli, & terræ, &

B

ma-

(a) Nota has tanti Viri leges. (b) Deum ferens. (c) 2. Cor. 6

maris, & omnium quæ sunt in ipsis, est creator: unus Christus Jesus, Dei Filius Unigenitus, cujus Regni non est finis. Quem si tu agnosceres, o Imperator, & purpura ipsa, & diadema, & Thronus Regius, firmiora essent, & stabiliora.

Imperator verò, hæc, inquit, mittamus. Tu autem, si vellis, inquit, o Ignatii, meæ potentia rem facere gratissimam, & de cætero referri in numerum meorum amicorum, hac mente mutata, diis nobis um sacrifica: & statim (sciant ipsi omnes) te magni Jovi constituam Pontificem, & Patrem nominabo Senatus. Ad hæc Divinus Ignatius: gratias quidem præbere, o Imperator, omnibus quidem est pulchrum: maximè autem Imperatoribus, quod possint ipsi amplius gratificari: sed eas, quæ sunt omninò utriusque utiles, & conducibiles; eas verò, quæ possunt lædere, & maximè animam, & vehementiorem ignis gehennam ei accendere, non is qui dat solum, sed etiam qui petit, & ipse miserimus. Admirabilis autem, o Imperator, & munifica est tua promissio. Quid enim mea refert, à te maximi Jovis constitui Pontificem, & vocari Patrem Senatus: qui sum Christi Sacerdos, & ei quotidie sacrificio sacrificium laudis, & jam totum meipsum propero immolare, & efficere complantatum ejus mortis similitudini? Imperator verò: cuinam, inquit, festinas teipsum immolare, ei ne qui à Pontio Pilato in Crucem fuit actus? Maximè, inquit, Magnus Ignatius, ei, qui peccatum crucifixit, & ejus inventorem destruxit

dia-

diabolum, & omnem ejus potentiam per Crucem abolevit. Rursus autem Imperator: videris, inquit, mihi o Ignati omnino recto carere judicio, & sana mente. Non enim tam apertè fuisses deceptus Scripturis Christianorum, sed cognovisses omnino, quantum sit bonum edictis parere Imperatoriis, & diis sacrificia offerre cum omnibus. (a) Ad hæc Sanctus, utens rursus majore dicendi libertate: etiamsi bestiis, inquit, me consumpseris, etiamsi me Crucè condemnaveris, etiam si gladiò, & igni tradideris, quæ sunt in tua potestate, nunquam ego patiar dæmonibus offerre sacrificium, neque enim metuo mortem, neque desidero præsentia, quæ est in potestate vestra præbere fruendi, sed sola desidero futura, & à me omne adhibere studium, ut transeam ad Christum, qui pro me est mortuus.

Propter quæ volens Senatus Martyrem arguere ignorantie: quid autem tu quoque, dixerunt, confiteris Deum esse mortuum? quomodo vero qui subiit mortem, eamque exercendam, poterit prodesse aliis? dii autem, & sunt Immortales, & dicuntur à nobis. Cum ex hõc occasionem Divinus accepisset Ignatius, simul, & irridendi illorum Deos, & eis aperiendi januam mysterii susceptæ carnis dispensationis, & sic deducendi ad fidem Christi cognitionis, sic verba habuit: meus Dominus, & Deus Jesus Christus, primum quidem propter nos homo factus est, & propter nostram salu-

B 2

tem,

(a) Fortitudo Beatissimi Martyris.

tem, Crucemque; & mortem, & sepulturam sua sponte accepit. Caterum rursus tertio die resurrexit, inimici dejecta, & prostrata potentia, & ascendit in Cœlos, undè venerat, nos simul à lapsu peccati faciens resurgere, & rursus introducens in Paradisum, ex quo malè fueramus ejecti: & nos donavit bonis majoribus, quam erant ea, quæ præcesserant. Quod autem ex iis, qui à vobis censentur dii, ullus tale quid fecerit, nullus omninò asseruerit. Nam cum isti fuissent homines malefici, & multa fecissent ad damnum, & exitum nostræ vitæ, & status, pravam autem Deorum opinionem, & speciem hominibus, qui sunt à ratione paulò alieniores, citra ullam rationem præbuisent, contrariis postea velis deceptionis, & scenâ ablata, deprehensi sunt id quod erant, ut qui turpiter de vita excefferint, & morti immortalitatem traditi sunt propter multorum interitum. Jupiter quidem certè, qui est vobis primus, & maximus Deorum, in Creta est sepultus: Æsculapius verò fulmine est percussus. Sepulchrum Veneris ostenditur in Papho, & Hercules fuit ab igne consumptus. Nam cum tales sint, imo verò longè deteriores, ea eis obtigerunt, quæ merentur. (a)

Cum hæc dicta fuissent ab Ignatio, Impetator simul cum Senatu, timens ne si esset ejus sermo prolixior, res quidem gentilium labefactarentur, & vel non crederentur, vel haberentur ludibrio: & vera quidem floreret religio, & tolleretur nubes

erro-

(a) Mittitur in Carcerem S. Ignatius;

erroris, quæ ei offundit tenebras: eum quidem in
 conjicit in vincula, & in tutissima collocat custo-
 diâ. Ipse autem cum totâ nocte apud se cogitasset,
 quonam modo eum ulcisceretur pro meritis, &
 quonam modo è præfenti eum vitâ subduceret, sta-
 tuit eum feris tradere devorandum, ut dilaniatus
 ab eis Sanctus, interiret. Visus est enim Impera-
 tori hic mortis modus longè gravissimus. Cum
 hanc rem ergò Senatui manè communicasset, ipsi
 quoque ejus laudaverunt sententiam: sed consulue-
 runt, ne hæc bestiis obiectio fieret Antiochiæ, ne
 agebant, sic magis desideratum, & gloriosum apud
 suos Cives reddamus Ignatium, martyrico fine è
 vita excedentem. Quamobrem dicebant oportere
 eum Romam abduci vincum, & illic tradi bestiis.
 Sic enim, & prolixitate itineris gravius subibit sup-
 plicium, & simul Romanis quinam sit ignorantibus,
 videbitur esse peremptus, tanquam unus ex
 maleficis, & nec minima quidem erit ejus apud il-
 los memoria. Cum hoc ergo placuisset, & in ip-
 sum lata fuisset protinus sententia, Imperator eum
 rursus producit è custodia, hoc ejus postremum
 faciens periculum. Et primum quidem multis bo-
 norum promissis crebrò Sanctum deliniebat ac de-
 mulcebat: deindè etiam rursus minis magis terri-
 tans. (a) Postquam autem eum vidit nec cedere
 promissis, neque minas formidare, desperans om-
 ninò fore ut mutaretur, ad effectum deduxit ea,
 quæ decreta fuerunt: & cum jussisset prioribus gra-

B 3

viora

(a) Hæc sunt machinæ maligni demonis,

viora ei imponi vincula, tradit eum cohorti militari, & mittit Romam, jubens, cum advenissent Civibus dies festus, quo totus congregaretur populus, eum tradi bestiis ad communem theatri delectationem, ut convenienter ei, quod dicit D. Paulus; (a) *Ipse quoque fieret spectaculum mundo, Angelus, & hominibus.*

Martyr ergo cum ultimam illam accepisset sententiam, & Deo magno clamore, ut consentaneum erat, egisset gratias, cum magna voluptate, & lætitia sibi imponit vincula. Et Imperator quidem egreditur contra Persas cum suo exercitu: Divinus autem Ignatius, cum Ecclesiæ prius benè esset præcatus, & gregem suum Deo commendasset cum lachrimis vinctus sequebatur milites. Deinde cum Seleuciam non cunctans, non flens, non se aliquid gravè omninò pati præferens, sed alacribus venisset pedibus, à militibus in navem immittitur, & cum eis appellit Smyrnam. (b) Hic salutat Polycarpum Divinum Apostolum, quem Smyrneni præfuisse Ecclesiæ, cum Ignatii fuisset condiscipulus, superiùs diximus. Eum ergo salutat, glorians, & magnificè sibi placens lætusque de vinculis. Quid enim ei poterat esse majori ornamento, quam adipisci pati pro Domino, qui eum sic dilexerat? deinde cum etiam reliquis Episcopis, & Presbyteris, & Diaconis reddidisset eas, quas parerat, salutationes, quoniam multi concurrebant ex Ecclesiis Asiæ, & Civitatis ad videndum illud spectaculum, & ut

(a) 1. Cor. 2, (b) Lætatur in vinculis;

& ut pulchro fruerentur fluento, quod fuebatur ex illius lingua, ipse ea, quæ par erat, suadens, rogabat omnes, ut pro ipso orarent, ut per feras citò resolveretur ad eum quem desiderabat, & appareret antè illius faciem. Cum videret autem eos valdè perturbatos, & quodam modò pendentes ab illius anima, & non ferendum dimum existimantes separationem illius, & mortem, de iis qui sunt Romæ, timens, ne ipsi quoque similiter affecti, non sustinerent eum videre tradi bestiis, sed manus eis afferrent, quibus mandatum erat ut eum traderent, & ei clauderent apertam januam martyrii, statuit ad eos mittere, ut ii quoque pro eo orarent, ne cursus suæ exercitationis ei impediretur: sed per feras, sicut dictum est, citò resolveretur ad dilectum Dominum. Operæ præmium est autem illius quoque meminisse Epistolæ, quæ sic habet ad verbum. (a)

Ignatius, qui & Deifer, Episcopus Sanctæ Dei Ecclesiæ, quæ est Antiochiæ, Ecclesiæ, quæ misericordiam est consecuta in maiestate Patris Altissimi, & Jesu Christi solius ejus Filii, dilectæ, & illuminatæ, in voluntate ejus, qui voluit omnia, quæ sunt secundum charitatem Jesu Christi Dei nostri, quæ etiam præsidet in loco regionis Romanorum: quam soluto in Nomine Jesu Christi, secundum carnem, & spiritum unitam omni ejus mandato, impletam gratiâ Dei ad lætandum in Christo Jesu Deo. Cum Deum precatus, obtinuerim ut vide-

B 4

rem

(a) Epistola ejus ad Romanos.

rem spectabiles vestros vultus, vinctus in Christo Jesu spero me vos salutaturum, si Dei fuerit voluntas, ut dignus habear, qui sic sim usque ad finem. Meum enim ritè succedit votum, si gratiam fuero consecutus, ut sortem meam accipiam sinè impedimento. Timeo enim vestram charitatem, ne ea me afficiat iniuria. Vobis enim facilè est facere, quod vultis: mihi autem difficilè est Deum assequi, si vos mihi peperceritis. Non enim volo vos hominibus placere, sed Deo, sicut etiam placetis. Non enim ego unquam habebō tempus aliud Deum assequendi, neque vos. (a) Si silveritis à me, ego Dei efficiar. Sin verò carnem meam amaveritis, rursus ero currens. Potiùs autem mihi præbete ut Deo immoler: est enim Ara parata: ut effecti chorus in charitate, canatis Patri in Christo Jesu, quod Episcopum Syriæ dignatus sit Dominus, ut inveniretur in Occidente, eum accersens ab Oriente. Pulchrum est à mundo occidere ad Deum, ut ad ipsum exoriamur. Nulli unquam invidistis, alios docuistis. Ego autem volo illa quoque esse firmâ ac stabilitâ, quæ vobis mandatâ didicistis. Solum rogate, ut dentur mihi vires à Domino, ut non solum dicar Christianus, sed etiam inveniar, & dici possim: & tunc videbor esse fidelis, quando mundo non appa rebo. Nihil enim quod apparet, est æternum. (b) *Quæ enim cernuntur, sunt ad tempus: quæ autem non videntur, aterna.*

Ego

(a) Desiderium ejus ardentissimum patiendi propter Christum,

(b) 2. Cor. 4.

Ego scribo Ecclesiis, & mando omnibus, quod
 ego lubens pro Christo morior, si vos non prohi-
 bueritis. Rogo vos, ne sit intempestiva vestra in
 me benevolentia: finite me devorari à feris, per
 quas licet Deum consequi. Sum Dei frumentum;
 & molor per dentes ferarum, ut Christi inveniar
 mundus panis. Feris potiùs blandimini, ut fiant
 mihi sepulchrum, & nihil relinquant mei corporis,
 ne positus fiam gravis. Tunc ero verus Christi Di-
 scipulus, quando nec corpus quidem meum adhuc
 videbit mundus. Pro me Christo supplicate, ut
 per hæc instrumenta, munda inveniar hostia. Non
 sicut Petrus, & Paulus vobis præcipio. (a) Illi
 Apostoli, ego condemnatus: illi liberi, ego autem
 servus usque in hodiernum diem. Sed si volueritis,
 ego libertus Jesu Christi, & exurgam in ipso liber.
 Nunc disco vinctus nihil mundanum cupere, aut
 inane, à Syria usque ad Romam ipsam pugnans
 cum bestiis, à terra, & mari noctu, & diu vinctus
 decem leopardis, qui sunt cohors militaris: qui
 etiam si beneficio afficiantur, fiunt deteriores. In
 eorum verò iniuriis magis disco. Profuerint feræ
 mihi paratæ, & opto, ut ex mihi paratæ invenian-
 tur: quibus etiam blandiar, ut me protinus devo-
 rent, non sicut quosdam timore effectæ non tetige-
 runt. Quod si ex etiam invitæ noluerint at ego
 transibo. Ignoscite mihi: scio quid mea intersit.
 Nunc incipio esse Discipulus, ut Jesum Christum
 assequar. Ignis & Crux, bestiarum irruptiones dis-
 sectio-

(a) Humilitas tanti Viri.

seſiones, diſiſiones, offium diſperſiones, amputatio membrorum, tritura totius corporis, & diaboli tormenta ſuper me veniant, dummodo Jeſum Chriſtum aſſequar. Nihil mihi procederunt mundi iucunditates, neque Regna huius ſæculi. Melius eſt mihi mori in Chriſto Jeſu, quam Regnum optinere uſque ad fines terræ. (a) *Quid enim prodeſt homini, ſi totum mundum lacretur, & ſue animæ patiatur detrimentum; illum quæro, qui pro nobis eſt mortuus.*

Ignoscite mihi, fratres: ne ſitis mihi impedimento, quò minùs vivam, neque me velit mori. Sinite me puram lucem accipere. Cum illuc enim venero, ero homo Dei. Permittite mihi, ut ſim imitator Paſſionis Chriſti. Si quis ipſum in ſeipſo habet, intelligat quod volo, & mei moveatur cõmiſeratione, cum ſciat, quæ me conſtringant. Princeps huius ſæculi me vult diripere, & corrumpere meam in Deum ſententiam. Nemo ergo ex iis, qui adſunt, ei opem ferat. Eſtote mei potiùs, hoc eſt Dei ne loquamini Chriſtum Jeſum, mundum vero deſideretis. Ne habiter inter vos invidia, Nec ſi ego quidem præſens vos rogem, parete mihi: iis autem parete potiùs, quæ ego ad vos ſcribo. Ex iis enim, quæ ſcribo ad vos mori cupio. (b) Meus amor eſt Cruci affixus, & non eſt in me ignis amans mundanæ materiæ: aqua autem potiùs viva, & in me loquens, quæ intus mihi dicit: veni ad Patrem. Non deſector nutrimento corruptionis, neque volu-

(a) Mat. 16, (b) Nota Verba verè ignea;

luptatibus hujus vitæ. Panem Dei volo, panem
 cœlestem, panem vitæ, qui est Caro Jesu Christi
 Filii Dei, qui postea natus est ex semine David, &
 Abraam: & potum Dei volo, ejus sanguinem, qui
 est charitas, in quam non cadit interitus, & vita
 perennis. Non ampliùs volo vivere, sicut homi-
 nes, hoc autem erit si vos volueritis. Velitis ergo,
 ut vos quoque Deus velit. Brevibus literis peto à
 vobis: mihi credite. Jesus vero Christus vobis ape-
 riet, qui est os non mendax, quod vera dico peten-
 do, ut consequar. Non secundum carnem ad vos
 scribo, sed secundum Dei scientiam. Si passus fue-
 ro memento te in oratione vestra Ecclesiæ Syriæ,
 quæ pro me, Pastore Deo utitur. Solus ipsam Je-
 sus Christus visitabit, ejusque curam geret, & ve-
 stra charitas. Salutat vos mens spiritus, & chari-
 tas Ecclesiarum, quæ me susceperunt in nomine
 Jesu Christi, non tanquam transeuntem. Etenim
 quæ ad me non attinebat in via, quæ secundum
 carnem me deduxerunt in Civitatem. Scribo au-
 tem hæc ad vos è Smyrna per Ephesios qui digni
 sunt, qui beati judicentur. Esto verò mecum cum
 multis aliis Crocus quoque nomen desiderabile eo-
 rum, qui mecum convenerunt è Syria, ad gloriam
 Dei. Hæc ad vos scripsi nono calendis Septembris.
 Valete perpetuo fratres in tolerantia Jesu Christi
 Amen. (a)

Sed est hæc quidem Epistola. Ipse autem pau-
 lō post è Smyrna deductus à militibus: & cum ap-
 pul-

(a) In itinere confirmat Ecclesias.

pullisset Troadem , & Neapolim, transiit pedes per Philippos , & Macedoniam, eas , quæ sunt in via , invisens Ecclesias , & in eis docens , exhortans , disferens , Fratres , qui erant paulò simpliciores , & imbecilliores , confirmans , & efficiens , ut omnes vigilarent , & essent sobrii . Cum verò transisset Epirum , & mare transmisisset Adriaticum , & Tyrrenum , appellit Puteolos . Hospitio autem exceptus simul cum militibus , ab iis , qui illic erant fidelibus , cum eos quoque valere iussisset in Domino , venit Romam , & sistitur ante præfectum Urbis . Cum is ergò Deiferum vidisset Ignatium , & literas accepisset Imperatorias , dies autem advenisset opportunus , quando erat dies festus , & celebris Romanorum , ducit eum in medium theatrum , sicut jubebat improbum edictum Imperatoris . Cum ergo universa Civitas sederet in theatro , cum ardenti spiritu , & oculis jam spectaculum amantibus , utpotè quod jam fama ubique annuntiasset , Syriæ Episcopum cum feris esse pugnaturum : conversus ille ad populum cum quodam generoso , & inflexibili animo , ut qui gloriaretur , & sibi placeret propter eam , quæ pro Christo suscipi cernebatur , ignominiam : Viri , inquit , Romani , & præsentis hujus certaminis spectatores : non hæc mihi fiunt , ut suam pœnas alicujus maleficii , aut sceleratæ alicujus actionis , sed ut Deum assequar : cujus quidem te-neor desiderio , & quem cupio insatiabiliter . Sum enim ejus frumentum , & molor per dentes bestia-

rum,

rum ; ut fiam ei purus panis . (a) Hæc dixit , & dimissi leones eum statim delacerarunt , & devorarunt , à solis asperioribus illius ossibus abstinentes , ei reverà impletis votis , ut bestia essent ejus sepulchrum , & nihil reliquum esset ejus corporis , utpotè quod Deus pluris faceret famuli preces , & amorem ferre usque ad finem , quam efficere , ut non tangeretur à leonibus , ut suo nomini tribueret gloriam .

Postquam autem hæc evenerunt , finemque acceperunt , qui Romæ erant fideles , ad quos adhuc vivens Divinus Ignatius scripserat , postquam dimissum erat theatrum , convenientes , cum ossa id cupientibus manibus sustulissent , & ea honorificè ac reverenter composuissent , ea deposuerunt in loco insigni extra Urbem Vigesimo Mensis Decembris . (b) Hæc postea deportata sunt in Patriam Martyris Antiochiam : & quæ intercedunt Civitates ; duplicem accepere benedictionem , & priùs , quando Martyr victus ducebatur Romam , ex Antiochia : & nunc quando cum præclaris trophæis il inc referebatur ; tanquam apes favum illum circumvolantes . Atque dicitur quidem , quod post martyricam ejus consummationem , lugentibus illius privationem iis , qui Romæ erant fideles , & nullam accipientibus doloris consolationem , & vacantibus sepulchralibus hymnis , & vigiliis , ipse in somnis apparens , & eos quasi amplectens , qui

scili-

(a) A' leonibus devoratur , sicut optarat .

(b) Ex ossibus ejus Civitates benedictionem accipiunt .

scilicet seipſos præbuerunt dignos illius conſuetudine, luſtum ejus effecit facilem, & leniorem, & doloris ſedavit vehementiam. Alii rursùs dixerunt, ſe vidiffe eum ſudore diſſluentem, tanquam qui nuper reſpiſſet à laboribus decertationis, & precantem ſalutem Civitati, & omnibus fidelibus. (a)

Hic quidem fuit exitus Deſteri Ignatii: hæc ſunt certamina: hi ſunt inſani ejus amores in Chriſtum. Et fert teſtimonium Ireneus Lugdunenſis Epiſcopus, vir magni faciendus, qui Divini Ignatii crebrò meminit. Quin etiam Polycarpus, qui Smyrnenſis præerat Eccleſia, qui cum eo ventitabat ad Joannem Evangeliftam, & Theologum, & cum captivus Romam duceretur Antiochia, eum ſicut diximus, ſalutavit, hæc alicubi ſcribens in ſuis Epiſtolis: Rogo vos fratres, ut obediatis, & omnem exerciteris tolerantiam, quum vidiffis oculis non ſolùm in Beatis Ignatio, Ruſino, & Zoſimo, ſed etiam in multis aliis ex vobis, & in ipſo Paulo & iis, qui cum ipſo crediderunt: quod ii omnes non in vanum cucurrerunt, neque in vanum laboraverint. (b) *Sed in fide, & juſtitia, quæ eſt in Chriſto Jeſu.* Quamobrem ſunt etiam in loco, qui eis debetur à Domino, cum quo paſſi ſunt. Non enim præſens ſæculum dilexerunt, ſed Chriſtum, qui pro nobis mortuus eſt, & reſurrexit. Sic ergo ſitus erat Divinus Ignatius in ſacris illorum animis: & cum deſideraſſet beſtiarum ventres ſibi ſepulchrum effi-


efficere, in piorum Virorum magis habitat animis. (a)


Imperator autem Trajanus cum de Divino hoc Ignatio postea didicisset, & quam fortiter peregrisset hoc certamen Martyrii, & quod, ut ipse tulerat sententiam, à bestiis fuisset devoratus, & multa etiam audivisset de Christianis, qui erant in regione, quod scilicet nihil præter leges facerent, neque rem ullam agerent impiam: sed diuiculo surgentes, & Christum adorarent tanquam Dei Filium, (b) & omnem exercerent abstinentiam in cibo, & in potu, & nihil tangerent ex iis, quæ lex prohibet. Cum ille, inquam, hæc audivisset, & ductus est pœnitentia eorum, quæ facta fuerant, & dicitur tale decretum proposuisse, ut gens quidem Christianorum exquireretur, & omnibus esset cognita: inventi autem non interficerentur, sed neque Magistratus gererent, neque susciperent, ullam Reipublicæ administrationem. Sic non vita solum Ignatii, sed jam mors etiam fuit multorum bonorum conciliatrix; gloriatio fidei, quæ est in Christo augmentum pietatis, adhortatio ad eos, qui sunt ex Deo, labores, & contemptio ejus Vitæ, quæ est ad tempus. & continentia ab iis, quæ sunt noxia, & studium Vitæ puritatis: gratia, & benignitate Domini Nostri Jesu Christi, cum quo Patri gloria, & Sancto, & Vivifico Spiritui nunc, & semper, & in sæcula sæculorum. Amen.

(a) Plinius Secundus hac ad eum scripsit.


(b) Nota abstinentiam Christianorum.







Biblioteka Jagiellońska



stdr0024856

